

DEO OPTIMO MAXIMO VNI ET TRINO, VIRGINI DEIPARÆ,  
ET SANCTO LVCE ORTHODOXORVM MEDICORVM PATRONO.  
**QVÆSTIO MEDICA.**  
CARDINALITIS DISPUTATIONIBVS MANE DISCVTIENDA  
IN SCHOLIS MEDICORVM, DIE IOVIS VI. APRILIS,  
M. SIMONE LE LETTIER Doctore Medico, moderatore.

*An Medicus cibi, Medicus sibi?*

945

G

RATISSIMVM humanæ vitæ condimentum sanitas est, quam vt præsentem plerumque negligimus, sic votis omnibus absentem expetimus, vt quod vehementius seuiunt morbi, vt etque dolorum acerbitas, hoc maior ægri vti eius redimendæ cupiditas, adeo blanda est spirandi pro se cuius medicum se profitenti statim creditur, imò pro numine habetur, qui & salutem aucter polliceri, & potest præstare: illud aucter faciunt pseudomedici, hoc egregie perficiunt veri: vt cum alii nequeant promissis stare, expleant alij quod nec promissere. Neque verò putes pericissimum medendi artem non fieri vtorum comporem: quiddid moliat, sanitatem quidem semper intendit, at non semper assequitur. Obstat interdum effæta laborantis natura; & licet cedat illi maior pars morborum, aliqui tamen sunt, qui dum ægrotantis vires elidunt, simul & medentis industriad omnem elidunt: atque in tam calamitoso statu, qui impendentem sibi interitum æquo animo audire non sustinent, dum sub falsâ sanitatis spe suum in dies morbum profert postulant, nihil aliud promouent quàm quod sibi metu mortis ipsam producent mortem: tandi nimirum est animam habere vt agas.

V

T nec semper, nec cuius promptum est amissam reuocare valetudinem; ita nec præsentem, nisi firma sit, retinere. Paucorum ea laus est, quos velut è cælo demissos quisque tunc maximè solet admitti, cum eorum opem cogitur implorare; quod is sæpius euenit, qui se voluptatibus & deliciis frequentius immerferunt. Scilicet hæc morum luelatius in dies serpente, terunt & latius valetudinis mala, vt adauctam hominum intemperantiam sequatur iam auctior Medicorum numerus, quorum operâ nemo diu carere potest hæc corrupta ætate. Nonne verò quisque sibi potest esse Medicus: Certè iusta rerum opifex & conseruatix Natura nulli vnquam nostrum denegauit, quod ad bene & sine molestia viuendum satis est: ab alijs viuendi præcepta accipimus, quibus non opus esset, si ipsam audiremus, non omnes quidem mille species morborum (sed quos ipsi vt plurimum nostrâ manu fecimus) abinuicem probè discernere & ægris suo vitio in summum discrimen adductis opitulari norunt: at sanitatem, si modò integram ab ortu accepimus, tueri & quousque penè morbos præcauere nemo non potest: nec multus in eo labor; vna iucunda salubrique vitæ lex est, quam qui tenuerit, diligenterque seruauerit, vix vllis vnquam premetur incommodis.

S

CIRE vis que sit hæc beatæ vitæ summa? festare Frugalitatem, que bonæ valetudinis quasi quædam mater est: gulæ luxuriantque palato frænos iniicere: reliquâ operosâ illâ ac sumptuosâ in parandis conuiuijs ambitione; assuesce modico & simplici cibo, rebusque oblati hilaris vttere. Magna quippe sanitatis pars est bene moratus venter & contumelia patiens: sine fastidio pascendus est; nec ad rem attinet quid accipiat, perditurus quiddid acceperit. Quod si nondum potes voluptatem ciborum temere, exitum specta. Graue & inuile est luxuriari per singula & centum rerum species in vnum miscere discum, vt transcant per vnâ gulam terræ marisque vastitatem: paruo cultu natura contenta est: melius & minoribus impendiis degitur, si ad vnum panem manus porrigitur, qui si fordus est, nec tibi sapit, expecta tantisper, mox bonus fiet; etiam suauem illum tibi & siliqum reddet fames, optimum ciborum condimentum: erit hæc cæna adiciat iucundior. Doles quod te deficiat panis, scito herbas, vbi necesse est, non pecori tantum, sed homini nasci. Quid iam vinum illud amantæ Pharmacum queris? Habeas aquam, habeas potentiam, vel Regibus ipsis de felicitate controuersiam facies. Hæcæ parabili mensâ primi orbis incolæ sæculorum annos vivebant, æ ciborum paucitate, longâ & salubri neccure diuites. Nondum opes mensarum discrimina fecerant. Carnis desideria etiam erant in exprobratione: nec terræ sanguinem, sed perinde ac cæteræ animantes, aquam potabat innocens hominum genus. Placebat penitus ex horro cibis, expeditares & parata semper. Quid tu miraris & optas illorum ætatem, quorum nec tenses, nec imitans viuendi rationem? Vis illorum annos æquare? æqua & temperantiam. Apagæ verò impetiosam nonnullorum inedia: assis ne feceris publicos illos prædagoos, tristis & superciliosus alienæ vitæ censor, suæ hostes, qui glandem & cacumina arborum putant idoneum ventris explementum; & si hæc quoque desint, fami medendum fame: demens est qui nimia frugalitate mortem accelerat, & quod illa ablatura est, iam sibi interdicit. Saginæ stomachum laxare sine sanitatis detrimento non licet: licet vix vix, coque temperamento cibum sumere; vt nec corpus, nec animus oneretur.

V

T frugi modici; victus præmium, constans est & à quibuslibet ærumnis tuta sanitas; sic largiores epulas sua semper sequitur pœna, cruditas nempe & grauis sarcina vitioforum humorum, è quorum cæno morborum examina pullulant, qui non modò singulares ac simplices sunt, sed diuersi, multiplices, cõplicati, maligni. Nec solum corpori, sed & animæ sua quoque sunt ab edacitate damna. Opimè pascit corpus mentiter ad sapientiam obstruit, spurcalque fordes affricat contagio quodam. Qui hoc vnum satagit, vt multo se iungit et alimento, nonne is suum in alio defodit animum? Naues sentinæ plenas qui seruare vult, onus detrahit: Tu nisi potu cibum que subducas, nunquam ex intemperantiæ vadis ad tranquillum bonæ mentis & valetudinis portum enarabis: non facillè vehementes perturbationum procellas euadet, cuius venter multo æstuat mero: hoc nisi statim omne vomitu remetiatur, citò in libidinem despumabit. Tot & tam discordes cibi etiam inuitis ingesti visceribus quid aliud sunt quàm pleni nauseantique stomachi onus, ac penè ferrei soporis commeat: hos ne credas posse vnquam concoqui, sed putrere penitus. Quid aues vel ab amne Phasidæ deportatas, cortis aubus præfers? magis illæ iuuant quia pluri emuntur. Innumere istæ conditæ quibus edendi libido iam per se nimis incitata magis excitetur, tam multa ac confusa fercula multos tibi morbos, ni remoueantur, sunt allatura. Delectat te nidior horum arte quæstus; at cum alium subierint, vna & eadem fœditas occupabit. Quid has fumo deusas carnes, hos piperatos intinctus non credis vttere falsâ tabe præcordia? Ista ostrea inersissimam carnem luto faginatam, nihil existimas limosæ grauitatis inferre exilibus viscerum venis: voras boletos voluptarium venenum, iubet cælo proximas rupes cauari vt bibas glaciæ: neutrum impuni feceris. Quid illam niuem pœnam montium in gulæ voluptatem vertis? hanc tu vocas solatium stomachi æstuantis, quæ iecori callum est obductura; omnino desipis si bellaria, lagana, Rhythmata aliæque id genus cupedia, quæ vel foforis ventriculo graue pondus sunt, nihil te læsura arbitaris. Hæc victus anathemata, istas mensæ lautitias nisi citò dedicas, citò te grauiæ vexabunt atque opprimunt mala. Decolor & luridâ bile suffusa facies, oculorum, auriumque tormenta, apoplexiæ, febres tenui peste repentes, neruorum vino madentium tremor, torpor atque contractio, retorti obrigescuntibus articulis pedum manuumque digiti, omnis generis alui profluvia, peior denique ex cruditate, quam ex fame macies, voluptatum vltra modum fasque concupitarum vsuræ sunt, quas pendunt qui genio indulgent, & quibus in solo viuendi causâ palato est.

S

OLV Sitaque felix ille habendus est, cui firma corporis animique sanitas non maioris constiterit, quàm frugalitate, qui victus iucunditatem non tam in satietate, quàm in desiderio duxerit reponendam. Nec mirum si rarus imò nullus ipsi assidet Medicus. Qui hanc sibi viuendi legem dixit, firmissimum habet aduersus morbos quolibet munimentum; ita siquidem ingestum parciùs alimentum nullam naturæ vim infert, nihil ipsi molestiat, aut negotij exhibet: sed facile à ventriculo euictum leuique iecoris operâ in sanguinem versus natium calorem corporisque substantiam tuetur & reficit, facultates omnes earumque functiones firmat, humorum æqualitatem, motus, sensus, mentis denique vires integras incolumque conseruat: nullus præterea est in tam facili ciborum concoctione, distributione, & felici nutritione superuacaneis succis & cruditatibus locust: ac si qui fortè alicubi hæserint, calor natius abfoluendo penso, cibique quos habet ad manum subigendis minimè impeditus, viresque exerens suas, illos exterit, suo modo concoquit, domat & in vias deducit per quas naturæ impulsu, è patenti & vndique peruo corpore exturbentur. Nec verò mediocri alimentis vsus salubre tantum, & ab omni morbo vacuum reddit corpus; sed & ipsi proceritatem adfert, vniuersamque conciliat. Quid multa? Natura omnino libera sui iuris, ita nobis salutaria quæque continentur procurat, vt aliquando vnius ægrotantis ope, periculosi & ancipites morbi felicem, eumque admirabilem, & ad quem nulla ars dirigebat, exitum inuenerint.

*Ergo Medicus cibi, Medicus sibi.*



Proponebat Lutetiæ LVDOVICVS LE NOIR, Parisiensis, A. R. S. H. M. DC. XLV.